

四庫全書

子部

欽定四庫全書

歲時雜詠卷二十八

宋 蒲積中 編

中元

七月十五日題章敬寺

唐德宗

招提邇皇邑複道連重城
法筵會早秋駕言訪禪扃
嘗聞大仙教清淨宗無生
七江匪吾寶萬行先求成名
相既雙寂繁華奚所榮
金風扇微涼遠烟凝翠晶
松院靜苔色竹房深
磬聲境幽真慮恬
道勝外物輕意遠本非

說舍毫空復情

奉和聖製中元日題章敬寺 崔元翰

妙道本非說殊途或異名聖人得其要俱以化羣生鳳
吹從上苑龍宮連外城花鬘列廣殿雲車駐前庭松竹
含新秋軒窗有餘清緬懷崆峒事須繼簫管聲離相境
都寂忘言理更精域中信稱大天下乃為輕屈已由濟物
堯心豈所榮

中元日鮑端公宅遇吳天師聯句

道流為柱史教戒下真仙

嚴維

共契中元會初修內景

篇

鮑防

游方依地僻卜室喜牆連

謝良輔

寶笥開金籙華

池漱玉泉

杜奕

怪龍隨羽翼青節降雲烟

李清

昔去遺

丹竈今來變海田

劉蕃

養形奔二景練骨度千年

謝良弼

騎竹投陂裏携壺在牖邊

鄭槩

洞中嘗入靜河上舊談

玄

陳允初

伊洛笙歌遠蓬壺日月偏

樊珣

青驪爾訓引白

犬伯陽牽

丘丹

法受相君後心存象帝先

呂渭

道成能

縮地功滿欲昇天

范掩

何意迷孤往含情戀數賢

吳筠

開元觀陪杜大夫中元日觀樂

戎昱

今朝歡稱玉京天，況值關東俗理年。
舞態疑迴紫陽女，歌聲似遏綵雲仙。
盤空雙鶴驚丸劍，灑砌三花度管絃。
落日香街塵擁騎，好風油幕動高烟。

中元日觀法事

盧拱

四孟逢秋序，三元得氣中。
雲迎碧落步，章奏玉皇壇。
滴槐花露香，飄栢子風。
羽衣凌縹緲，瑤轂輾虛空。
久慕

殄霞客常悲習蓼虫青囊如可授從此訪鴻濛

中元夜

李郢

江南水寺中元夜金粟欄邊見月娥紅燭影迴仙態近
翠鬟光動看人多香飄彩殿凝蘭麝霧繞輕衣雜綺羅
湘水夜空巫峽遠不知歸路欲如何

酬蘇少尹中元夜追懷去年此夕鄙人與故李
諫議郭員外見訪感時思舊之作

令狐楚

直繼先朝衛與英能移孝友作忠貞劍門失險曾縛虎
淮水安流緣斬鯨黃閣碧幢惟是儉三公二伯未為榮
惠連忽贈池塘句又遣羸師破膽驚

中元日贈張尊師

偶來人世值中元不獻玄都永日門寂寂焚香在仙觀
知師遙禮玉京山

中元作

李商隱

絳節飄飄宮國來中元朝拜上清迴羊權雖得金條脫

溫嶠終虛玉鏡臺曾省驚眠聞雨過不知迷路為花開
有娥未抵瀛洲遠青雀如何鳩鳥媒

中元夜寄道侶 二首

陸龜蒙

學餌霜葺骨未輕每逢真夕夢還清丁寧獨受金妃約
許與親題玉篆名月苦撼殘臨水佩風微飄斷繫雲纓
須臾枕上桐窓曉露壓千枝滴滴聲

橘齋風露已清餘東郭先生病未除孤枕易為蛩破夢
短簷難得燕傳書廣雲披日君應近倒景栽花我尚疎

惟羨羽人襟似水平持旄節步空虛

即事中元甲子

羅隱

三秦流血已成川塞上黃雲戰馬閒只有羸兵填渭水
終無奇士出商山田園已沒紅塵內弟姪相逢白刃間
惆悵翠華猶未返淚痕空滴劍文斑

中元夜看月

朦朧南溟月洶湧出雲濤下射長鯨眼遙分玉兔豪勢
來牛斗動路越廣寒高竟夕瞻光彩昂頭把白醪

中元夜泊淮口

木葉迴飄水面平，偶停孤棹已三更。
秋涼霧露侵燈下，夜靜魚龍逼岸行。
欹枕正牽題柱思，隔樓誰轉遶梁聲。
錦帆天子狂魂魄，應過揚州看月明。

中元夜百花洲作

范仲淹

南陽太守清狂發，未到中秋先賞月。
百花洲裏夜忘歸，綠梧無聲露光滑。
天高碧海吐明珠，寒輝射空星斗踈。
西樓下看人間世，瑩然都在清玉壺。
從來酷暑不可避，

今夕涼生豈天意一笛吹銷萬里雲主人高歌客大醉
客醉起舞逐我歌弗舞弗歌如老何

苦雨既久中元小晴見月 沈 邁

中秋在後圓呈樣始中元向晚愁霖歇當空夕露繁玉
盤敲不響金餅柏成幡此景應希遇塞簾酌一樽

七夕纔過見家人潔供具以備中元因有感

七夕星妃退中元又復還踵來頻令節隙過惜朱顏雨
水催盆草香烟吐博山抱憂年亦邁寬飲耐貧閒

中元

潦退魚頭重風高雁翅曲竹林殘暑退荷葉晚香來
興乘秋動清樽揖月開鳴蛙看欲盡猶自聒池臺

壬子中元朝同應求之小水院過毛田山覩稻

田

余安行

曉行新露重金氣肅山谷翛然穿翠林滿目清可掬
晚苗秀堪飧早稻實已熟行歌代老農相慶足嘉穀

秋分

監祠夕月壇書事

劉禹錫

西白司分晝夜平羲和亭午太陰生
鏘鏘揖讓秋光裏
觀者如雲出鳳城

秋社

社日崇讓園宴

蘇頲

鳴爵三農稔勾龍百代神運昌叨輔弼時報喜黎民樹
缺池光近雲開日影新生全應有地長願樂交親

社日 二首

杜甫

秋豐成德業百祀發光輝報効神如在馨香舊不違
南翁已曲醉北雁塞聲微尚想東方朔恢諧割肉歸

陳平亦分肉太史竟論功今日江南老他時渭水童歡
娛看絕塞涕淚落秋風鴛鴦回金闕誰憐病峽中

社日闕路作

白居易

晚景函闕路涼風社日天青巖新有鶯紅樹欲無蟬
愁立駟樓上厭行官堦前蕭條秋興苦漸近二毛年

祭社宵興燈前偶作

城頭傳鼓角燈下整衣冠
夜鏡藏鬚白秋泉漱齒寒
欲將閒送老須着病辭官
更待年終後支持歸計看

循州社日留題館壁

裴夷直

浪花如雪疊江風社過高
秋萬恨中明日便隨江燕去
依依俱是故巢空

社日遊開元觀

時當水荒之後

薛逢

松柏當軒蔓挂蘿古壇衰草暮
風吹荒涼院宇無人到

寂寞烟霞只自知
浪浸法堂餘像沒
水存虛殿半科儀
因求天寶年中夢
故事分明載折碑

社後

韓偓

社後重陽近
雲天澹泊間
目隨棊客靜
心共睡僧閒
歸鳥城銜日
殘虹雨隔山
寂寥思晤語
何夕歎柴關

華下社日寄鄉中

司空圖

社會見鄉情
鄰家起未明
樂和豐歲久
笑認老人聲
獨恨門猶掩
仍無酒可傾
交親誰可念
一水隔歸程

今詩

秋社

社日飲永叔家

梅堯臣

雨未雨濛濛野田擊鼓賽社翁
折條跨馬社翁去醉叟
卧倒梨葉紅黿頭主人邀客飲
玉酒新賜蓬萊宮彭宣
不預後堂會康成一舉三百鍾
更邀明月出海底爛醉
等是歸蒿蓬

社日與鹽院徐屯田臺直李大傳小飲于西園

御酒初頒醺醑醇盍簪仍是服中人蕭條月榭携觴徧
瑣碎秋花揷帽新簾幕晚風催燕別園林宵露入梨津
何須巧作治聾醉自有清談命醕頻

奉和社日聖製七言四韻 劉筠

美報斯勤驗國經里民阜出慶秋成時羞饜飫盤中味
神鼓喧闐野水聲爽氣方高踈雨霽清暉微動遠波平
堯章濬發由庚詠京庾連雲萬億盈

社日戲題呈任副樞 晏殊

開樽幸有治聲醞把葉能無送燕章所惜司停近飲會
近年二府以秋
宴近不賜社宴不如村叟醉秋光

歲時雜詠卷二十八

欽定四庫全書

歲時雜詠卷二十九

宋 蒲積中 編

中秋

中秋夜月

二首

杜甫

滿目飛明鏡歸心折大刀
轉蓬行地遠攀桂仰天高
水路疑霜雪林棲見羽毛
此時瞻白兔直欲數秋毫
稍下巫山峽猶銜白帝城
氣沈全浦暗輪仄半樓明
刁斗皆催曉蟾蜍且自傾
張弓倚殘魄不獨漢家營

十六夜翫月

舊挹金波爽，皆傳玉露秋。
關山隨地潤，河漢近人流。
谷口樵歸唱，孤城笛起愁。
巴童渾又寢，半夜有行舟。

十七夜對月

秋月仍圓夜，江村獨老身。
卷簾還照客，倚杖更隨人。
光射潛虬動，明翻宿鳥頻。
茅茨依橘柚，清切露華新。

中秋夜翫月

唐彥謙

一夜高樓萬景奇，碧天無際水無涯。
只留皎月當層漢，

並送浮雲出四維
霧靜不容玄豹隱
冰生唯恐夏虫疑
坐來離思憂將曉
爭得嫦娥子細知

八月十六夜月色轉佳

斷腸佳賞固難期
昨夜消魂更不疑
丹桂影空蟬有露
綠槐陰在鵲無枝
懶將吟咏撩惆悵
早是踈頑耐別離
堪恨賈生曾慟哭
不緣清景為憂時

八月十六夜月

盧延讓

十六勝三五中天照
大荒只訛些子緣
應耗沒多光桂

老猶全在蟾深未煞忙難期一年事到曉泥詩章

八月十七夜書懷

令狐楚

三五既不留二八又還過金蟾著未出玉樹悲稍破誰
向西園遊空歸北堂卧佳期信難得永夕無可奈撫枕
獨高歌煩君為予和

中秋懷感

戎昱

八月更漏長愁人起常早閉門寂無事滿院生秋草昨
宵北窓夢夢入荆南道遠客歸去來在家貧亦好

中秋夜登樓望月寄人

西樓見月似江城脈脈悠悠倚檻情
萬里此情同皎潔
一年今日最分明
初驚桂子從天落
稍誤蘆花帶雪平
知稱玉人臨水見
可憐光彩有餘清

中秋與空上人同宿華嚴寺 冷朝陽

掃榻相逢宿論詩
舊梵宮磬聲迎鼓
盡月色過山窮
庭簇安禪草
牕飛帶火虫
一宵何惜別
迴首隔秋風

中秋夜臨鏡湖望月

陳羽

鏡裏秋宵望湖平月彩深圓明珠入浦浮照鵲驚林澹
蕩光還碎嬋娟影不沈遠時生岸曲空處落波心迥徹
輪初滿孤明魄未侵桂枝如可折何惜夜登臨

和崔中丞中秋夜翫月

張南史

秋夜月偏明西樓獨有情千家看露濕萬里覺天清映
水金波動銜山桂樹生不知飛鵲意何用此時驚

中秋夜與諸公錦樓望月

武元衡

玉輪初滿空迥出錦城東相向秦樓鏡分飛碣石鴻桂

香隨窈窕珠綴隔玲瓏不及前秋見圓明鳳沼中

奉和相公錦樓翫月

得清字

王良會

德星搖此夜珥月滿重城香藹烟雲色飄颻砧杵聲令
行秋氣爽樂感素風輕共賞千年聖長歌四海清

又得濃字

柳公綽

此夜年年月偏宜此地逢近看江水淺遙辨雪山重萬
井金風肅千林玉露濃不唯樓上思飛蓋亦陪從

又得蒼字

張正壹

高秋金夜月皓色正蒼蒼遠水澄如練孤鴻迥帶霜旅
人方積思繁宿稍沈光朱檻叨陪賞尤宜清漏長

又得來字

徐放

玉露中秋夜金波碧落開鵲驚初泛濫鴻思共徘徊遠
月清光徧高空爽氣來此時陪遠望更得上燕臺

又得前字

崔脩

清景同千里寒光盡一年竟天多雁過通夕少人眠照
別江樓上添愁野帳前隨侯恩未報猶感夜珠圓

又得秋字

四時皆有月一夜獨當秋照耀初含露徘徊正滿樓遙
連雪山淨迥入錦江流願以清光末年年許從遊

酬太祝兄中秋夜望月見懷 武元衡

坐愛圓景滿况茲秋夜長寒光生露草夕韻出風簷地
遠驚金奏天高失雁行如何北樓望不得共池塘

一作不及在池塘

中秋夜聽歌有贈

此夕來奔月何時去上天備雲鬟方自照玉腕更呈鮮

度嫵婉人間意飄飄物外緣

公綽上相公

詩裁明月扇歌索

想夫憐

元衡奉
盧侍御

暗染荀香久長隨楚夢偏

放

會當來彩

鳳髻鬅逐神仙

士政

訓劉公中秋夜對月見懷

權德輿

涼夜清秋半空庭皓月圓
動搖隨積水皎潔滿晴天
多病佳期阻深情麗曲傳
偏懷賞心處同望庾樓前

中秋夜瑤臺寺對月絕句

羸女乘鸞已上天
仁祠空在鼎湖邊
涼風遙夜清秋半

一望金波照粉田

太原和嚴長官中秋夜西山童子上方玩月寄

嚴中丞少尹

歐陽詹

西寺碧雲端東溟白月圓年來一夜玩君在半天看素魄當懷上清光在下寒宜裁濟江什有阻惠連歡

中秋夜卧疾思陸太祝崔法曹登鄭評事涉西

樓因寄

熊孺登

一年祇有今宵月盡上江樓獨病眠寂寞竹窓閒不閉

夜深斜影到床前

中秋夜贈張功曹

韓愈

纖雲四卷天無河清風吹空月舒波沙平水息聲影絕
一杯相屬君當歌君歌聲酸辭且苦不能聽終淚如雨
洞庭連天九疑高蛟龍出沒猩鼯號十生九死到官所
幽居默默如藏逃下床畏蛇食畏藥海氣濕蟄熏腥臊
昨者州前擣大鼓嗣皇繼聖登變臯赦書一日行萬里
罪徒大辟皆除徙遷者追迴流者還滌瑕蕩垢清朝班

州家申名吏家抑坎軻只得移荆蠻判司卑官不堪說
未免捶楚塵埃間同時輩流多上道天路幽險難追攀
君歌且休聽我歌我歌與君同一科一年月明今宵多
人生由命非由佗有酒不飲奈月何

和崔舍人詠月二十韻

三秋端正月今夜出東溟對日猶分勢騰天漸吐靈未
高烝遠氣半上霄孤形赫日當躔次虛徐度杳冥長河
晴散霧列宿曙分螢浩蕩英華溢蕭疎物象冷池邊臨倒

照簷際送橫經花樹參差見
皋禽斷續聆
牖光窺寂寞
砧影伴娉婷
幽坐看侵戶
閒吟愛滿庭
輝斜通壁練
秋碎射沙星
清潔雲間路
空涼水上亭
淨堪分顧兔
細得數飄萍
山翠相凝綠
林烟共幕青
過隅驚桂側
當午覺輪停
屬思摘霞錦
追歡罄縹瓶
郡樓何處望
隴笛此時聽
右掖連台坐
重門限禁扃
風臺觀滉漾
金砌步青瑩
獨有虞庠客
無由拾落萸

中秋夜望月寄杜郎中

時會琴客

王建

中庭地白樹棲鴉，冷露無聲濕桂花。
今夜月明人盡望，不知秋思屬誰家。

一作誰家在

和元郎中從八月十一至十五夜

五首

半秋初入中旬夜，已向階前守月明。
從未圓時看却好，一分一見傍輪生。

亂雲遮却臺東月，不許交依次第看。
莫謂詩家先見鏡，被它籠與作艱難。

今夜月明勝昨夜，新添桂樹近東枝。
立多地濕舁床坐，

看過牆西寸寸遲

月似圓來色漸凝
玉盤盛水欲侵稜
夜深盡放佳人醉
直到天明不炷燈

合望月時長望月
分明不得似今年
仰頭五夜風中立
從未團圓直到圓

中秋夜獨遊安國寺山亭院步月李十兄遲明
至寺中乘興聯句

九重城接千花界
三五秋分一夜風
行聽漏聲雲散後

遙聞天雨月明中

廣宣

含涼閣近通仙掖承露盤高出

上宮誰問獨愁園萬里清談不與此宵同

李益

八月十五夜桃源翫月

劉禹錫

塵中見月心亦閑況是清秋仙府間凝光悠悠寒欲墜
此時立在最高山碧空無雲風不起山上長松山下水
羣物脩然一境中天高地平千萬里少君引我昇玉壇
禮空遙請真仙官雲輶欲下星斗動天樂一聲肌骨寒
朝霞昕昕漸東上輪歌影促猶頻望絕境良時難再并

他年此夕應惆悵

中秋夜半雲開然後玩月書一時之境寄樂天

半夜碧雲收中天素月流開城邀好客置酒賞清秋影

透衣香潤光凝歌黛愁斜暉猶可玩移宴上西樓

西樓白君

常賦詩之所也

中秋日夜翫月

天將今夜月一遍洗寰瀛暑退九霄淨秋澄萬景清星

辰讓光彩風露發晶英能變人間世儵然是玉京

和中書崔舍人中秋夜翫月二十韻

暮景中秋爽陰靈既望圓騰精浮碧海分照接虞淵迴
見孤輪出高從倚蓋旋二儀含皎潔萬象共澄鮮整御
當西陸舒光麗上玄從星變風雨順日助陶甄遠近同
時望晶瑩此夜偏運行調玉燭潔白應金天曲沼疑瑤
鑑通衢若象筵逢人盡冰雪遇境即神仙引素吞銀漢
凝清洗綠烟皋禽驚露下鄰杵思風前水是還珠浦山
成種玉田劍沈三尺影燈罷九枝燃象外行無跡寰中

影自遷稍當雲闕正未映斗城懸靜對揮宸翰閒吟擘
彩牋境同牛渚上宿在鳳池邊興掩尋安道詞勝命仲
宣從今紙貴後不復詠陳篇

訓樂天中秋夜禁中翫月見寄

元稹

一年秋半月偏深况就青霄極賞心金鳳樓前波漾漾
玉鈎簾下影沈沈宴移明處清蘭路歌待新詞促翰林
何意枚臯正承詔瞥然塵念到江陰

八月十四夜翫月

猶欠一宵輪未滿紫霞紅襯碧雲端誰能喚得姮娥下
引向堂前子細看

華陽觀中秋夜招友玩月 白居易

人道秋中明月好欲邀同賞意如何華陽洞裡秋壇上
今夜清光此處多

中秋夜禁中獨直對月憶元九

銀臺金闕夕沈沈獨宿相思在翰林三五夜中新月色

一千里外故人心
渚宮東面烟波冷
浴殿西頭鐘漏深
猶恐清光不同見
江陵卑濕足秋陰

中秋夜聞崔大員外翰林獨直對酒玩月因懷
禁中清景偶題

秋月高懸空碧外
仙郎靜玩禁闈間
歲中唯有今宵好
海內無如此地閒
皓色分明雙闕勝
清光深到九門關
遙聞獨醉還惆悵
不見金波照玉山

歲時雜詠卷二十九

欽定四庫全書

歲時雜詠卷三十

宋 蒲積中 編

中秋

中秋月

白居易

萬里清光不可思，
添愁益恨遶天涯。
誰人隴外久征戍，
何處庭前新別離。
失寵故姬歸院夜，
沒蕃老將上樓時。
照他幾許人腸斷，
玉兔銀蟾總一作遠不知。

中秋夜湓亭翫月

昔年八月十五夜曲江池畔杏園邊今年八月十五夜
湓浦沙頭水館前西北望鄉何處是東南見月幾回圓
臨風一歎無人會今夜清光似往年

荅夢得中秋翫月見寄

南國碧雲客東京白首翁松江初有月伊水正無風遠
思兩鄉斷清光千里同不知娃館上何似石樓中

其夜余在

龍門石樓
上望月

中秋夜同諸客玩月

月好共傳唯此夜境閒皆道是東都嵩山表裏千重雪
洛水高低兩顆珠清景難逢宜愛惜白頭相勸強歡娛
誠知亦有來年會保得清明強健無

次韻

光彩遍空輪欲滿青霄映出皎雲端縱饒喚得姮娥下
引向堂前子細看

秋暮憶中秋夜與王璠侍御賞月因愴遠離聊
以奉寄

鮑防

前月月明夜美人同遠光清塵一以閒今夕坐相忘風
落芙蓉露凝餘繡被香

中秋夜月

裴夷直

去年此夜在商州還為清光上駟樓宛是依依舊顏色
自憐人換幾般愁

同樂天中秋夜洛河翫月

二首

清洛半秋懸璧月綵船當夕泛銀河蒼龍領底珠皆沒
白帝心邊鏡乍磨海上幾時霜雪積人間此夜管絃多

須知天地為鑪意盡取黃金鑄作波

不熱不寒三五夕晴川明月正相臨千珠競沒蒼龍頷
一鏡高懸白帝心幾處淒涼緣地遠有時惆悵值雲陰
何如清洛如青畫共見初升又見沈

中秋夜君山臺望月

李涉

大堤花裏錦江前詩酒同游四十年不料中秋最明夜
洞庭湖上見當天

中秋夜玩月

姚合

亭亭千萬里三五復秋中此夕光應絕當時思不同九
霄微有露四海靜無風惆悵逡巡別誰能看碧空

中秋夜洞庭圓月

素月間秋景騷人汎洞庭滄波正澄霽涼葉未飄零練
彩凝葭莢霜容靜杳冥曉樓河畔鶴宵映渚邊螢圓彩
含珠魄微颺發桂馨誰憐採蘋客此夜宿孤汀

中秋玩月

張祐

碧落桂含姿清秋是素期一年逢好夜萬里見明時絕

域行應久高城上更遲人間繫情事何處不相思

中秋夜杭州翫月

萬古太陰精中秋海上生鬼愁緣辟照人愛為高明歷
歷華星遠霏霏薄暈縈影流江不盡輪曳谷無穀似
鏡當樓曉如珠出浦盈岸沙全借白山木半含清小檻
循環看長堤蹋陣行殷勤未歸客烟水夜來情

中秋夜翫月

許渾

待月東陵月正圓廣庭無樹草無烟中秋雲靜出滄海

半夜露寒當碧天輪影漸移金殿外鏡光猶挂玉樓前
莫辭達旦曙一作殷勤望一墮西岩又隔年

中秋夜寄大梁劉尚書

汴人迎拜洛人留虎豹旌旗擁碧油刁斗嚴更軍耳目
戈鋌長控國咽喉柳營出號風生燾蓮幕題詩月上樓
應念散郎千里外去年今夜醉蘭舟

中秋夜對月

馬戴

陰魄出海上望之增苦吟冷搜驪頷重寒徹蚌胎深皓

氣籠諸夏清光射萬岑悠然天地內皎潔一般心

中秋月

朱慶餘

自古分功定唯應缺又盈一宵當皎潔四海盡澄靜
覺風微起寒過雪乍傾孤高稀此遇吟賞倍牽情

中秋翫月

無可

蟾蜍天地靜三五對堦燭照耀超諸夜光芒掩衆星影
寒池更澈露冷樹銷青枉直中秋半長垂宿洞庭

中秋夜隴州徐常侍座中詠月

隴城秋月滿太守待停歌典鶴來松杪開烟出海波氣
籠星欲盡光滿露初多若遣山僧說高明不可過

中秋江驛示韋益

莫惜三更坐難銷萬里情同看一片月俱在廣州城淚
逐金波滿魂隨夜鵲驚支頤鄉思斷無語到鷄鳴

中秋越臺看月

海雨洗烟埃月從空碧來水光籠草樹練影挂樓臺皓
耀迷鯨口晶熒失蚌胎宵分凭欄望應合見蓬萊

中秋月彩如畫寄上南海從翁侍御

海靜天高景氣殊
鯨睛失彩蚌潛珠
不知今夜越臺上
望見瀛州萬丈無

中秋夜君山脚下看月

洶湧吹蒼霧
朦朧吐玉盤
雨師清滓穢
川后掃波瀾
氣射繁星滅
光籠八表寒
來驅雲漲晚
路上碧霄寬
熠燿遊河在
蟾蜍食漸難
棹飛銀電碎
林映白虹攢
水魄連空合
霜輝壓樹乾
夜深高不動
天下仰頭看

中秋夜南樓寄友人

海月出白浪湖光射高樓
朗吟無綠酒賤價買清秋
氣冷魚龍寂輪高星漢幽
他鄉此夜客對酌幾多愁

中秋翫月

劉得仁

塵裏兼塵外皆期此月明
一年唯一度長恐有雲生
露洗微埃盡光濡是物清
朗吟看正好惆悵又西傾

中秋宿鄧逸人居

偶與山人宿吟詩坐到明
夜涼耽月色秋渴漱泉聲
磴

木如竿聳窓雲作片生白衣門自貴不揖漢公卿

中秋旅懷

尚能

所蓄惟騷雅兼能得固窮望鄉連北斗聽雨帶西風稼
穡村坊遠烟波路徑通宜搜清絕句恰似有神工

中秋夜月

栖白

尋常三五不是不婵娟及到中秋半還勝別夜圓清
光應有露皓色更無烟自古人皆翫年來又一年

中秋夜寄李溟

薛能

滿魄斷埃氛牽吟並舍聞一年唯此夜到曉願無雲待
賞從初出看行過二分嚴城亦已閉悔不預期君

中秋旅舍書懷

卷盡庭雲月逗空一方秋色草鳴虫是時兄弟正南北
黃葉滿階來去風

中秋夜翫月

劉滄

中秋朗月靜天河烏鵲南飛客恨多寒色滿窓明枕簟
清光凝露拂烟蘿桂枝斜漢流靈魄蘋葉微風動細波

此夜空亭聞木葉
薰葭霜磧雁初過

中秋夜不見月

元凜

蟾輪何事色全微
賺得佳人出綉幃
四野霧凝空寂寞
九霄雲鎖絕光輝
吟時得句翻停筆
玩處臨樽却掩扉
公子倚闌猶更望
懶尋紅燭草堂歸

中秋月直禁院

鄭畋

禁署方懷忝綸闈
已再加慙來西掖路
還整上清槎
恍惚歸丹地
深岩宿絳霞
幽襟聊自適
閒弄紫薇花

荆渚中秋夜值雨寄李嶼 鄭谷

共待輝光灼翻成暗淡秋正宜清路望潛起滴階愁棹
倚袁宏渚簾垂庾亮樓桂無香實落蘭有露花休玉漏
添蕭索金樽阻獻酬明年佳景在相約會神洲

中秋夜思鄭延美有作 孫緯

中秋中杪月世說憎妖精顧兔雲初蔽長蛇誰與勅未
追良友翫安用玉輪盈此意人誰喻裁詩寄禁城

天竺寺中秋夜桂子 皮日休

玉顆珊珊月下輪殿前拾得露華新至今不會天中事
應是姮娥擲與人

次韻

陸龜蒙

霜實常聞秋半夜天台天竺墮雲岑

垂拱中天台桂子
落一十餘日方止

如何兩地無人種却是湘灘是桂林

中秋夜寄友生

秋來一度滿重見色難齊獨坐猶過午同吟不到西疎
芒唯斗在殘白合河迷更憶前年望孤舟泊大溪

中秋待月

轉缺霜輪上轉遲
好風偏似送佳期
簾斜樹隔情無限
燭暗花殘坐不辭
最愛笙調聞比里
漸看星淡失南箕
何人為校清涼力
未似初圓欲午時

中秋夜禁直偶書寄同職 吳融

中秋好月竟相尋
獨入非烟宿禁林
曾恨人間千里隔
更看天上九門深
明涵太液魚龍定
靜瑣圓靈象緯沈
目斷枚臯何處在
欄干十二憶登臨

中秋夜陪熙周學士禁中翫月

月圓年十二秋半每逢陰此夕無纖靄同君直禁林未
高知海濶當午見雲深衣似繁霜透身疑積水沈遭逢
陪視草歸去憶抽簪太液池南畔相期到曉吟

中秋禁直

韓 偓

星斗疎明禁漏殘紫泥封後獨憑欄露和玉屑金盤冷
月射珠光貝闕寒天襯樓臺籠苑外風吹歌管下雲端
長卿只為長門賦未識君臣際會難

中秋夜月

李頻

陰盛此宵中多為雨與風坐無風雨至共看雪霜同抱
濕離邊海傾寒向迴空年年如可值還似道難通

中秋對月

秋分一夜月陰魄最晶熒好是生滄海徐看歷香冥層
空疑洗色萬怪想想潛形他夕無相類晨鷄不可聽

中秋月

四十五秋宵月分千里毫冷沉中嶽短光溢大河高不

寐清人眼移栖濕鶴毛露華臺上立愁望一年勞

中秋對月

曹松

無雲世界秋三五共看蟾盤上海涯直到天頭天盡處
不曾私照一人家

中秋月

九十日秋色今秋已十分孤光吞列宿四面絕微雲衆
木排疎影寒流疊細紋遙遙望丹桂心緒更紛紛

中秋夜同知己看月

秦韜玉

常時月好賴新晴不似年年此夜生初出海濤疑尚濕
漸來雲路覺偏清寒光入夜蛇龍起靜色均天鬼魅驚
豈特坐中堪仰望孤高應待鳳池明

中秋月

裴說

一歲幾盈虧當盈重此期幸無偏照處剛有不明時色
淨雲歸早光寒鶴睡遲相看吟未足皎皎下疎籬

中秋夜月酬顧道流

孫蜀

不那此身偏愛月等閒看月即更深仙翁每被姮娥使

一度逢圓一度吟

中秋夜有懷

許榔

趨馳早晚休一歲又殘秋若只如今日何難致白頭
滄波歸處遠旅食向邊愁賴見前賢說窮通不自由


中秋夜不見月

羅隱

陰雲薄暮上空虛此夕清光已破除只恐異時開霽後
玉輪依舊養蟾蜍

中秋

閒吟清景外萬事覺悠悠此際若無月一年虛過秋



歲時雜詠卷三十

欽定四庫全書

集部

歲時雜詠卷三十一

詳校官庶吉士臣柳邁祖

助教臣常循覆勘

總校官中書臣朱鈴

校對官典簿臣郭祚熾

謄錄監生臣潘炯

謄錄舉人臣查浩

欽定四庫全書

歲時雜詠卷二十一

宋 蒲積中 編

中秋上

今詩

中秋見月寄東坡

蘇轍

西風吹涼天益高
明月耿耿分秋毫
彭城閉門青嶂合
卧聽百步鳴飛濤
使君攜客登燕子
月色著人冷如水
筵前不設鼓與鐘
處處笛聲相應起
浮雲卷盡流金丸
戲馬臺西山鬱蟠
杯中綠酒一時盡
衣上白露三更寒

扁舟明日浮古汴回首逡巡陵谷變河吞巨野入長淮
城浸黃流只三版明年築城城似山伐木爲堤堤更堅
黃樓未成河已退空有遺蹟令人看城頭見月應更好
河流深處今生草

州人行樂
黃樓道

子孫幸免魚鼈食歌舞聊

寬使君老南都從事老更貧羞見青天月照人飛鶴投
籠不能出曾是彭城坐中客

和黃門韻

蘇軾

明月未出羣山高瑞光萬丈生白毫一杯未盡銀闕涌

亂雲脫壞如奔濤誰為天公洗眸子應費明河千斛水
遂令冷看世間人照我湛然心不起西南大星如彈丸
角尾奕奕蒼龍蟠今宵注眼看不見更許螢火爭清寒
何人蟻舟臨古汴千燈夜作魚龍變曲折無心逐浪花
低昂赴節隨歌板

是夜賈客舟中放水燈

青螢滅沒轉前山浪颭

風迴豈復堅明月易低人易散歸來呼酒更重看堂前

月色愈清好咽咽寒螢鳴露草捲簾推戶寂無人窓下

呬啞惟楚老

近有一孫名楚老

南都從事莫羞貧對月題詩有

幾人明朝人事隨日出恍然一夢瑤臺客

和中秋月 三首

殷勤去年月澹灩古城東憔悴去年月卧病破窓中徘徊巧相覓窈窕穿房櫳月豈知我病但見歌樓空撫枕三歎息扶杖起相從天風不相哀吹我落瓊宮白露入肺肝夜吟如秋蟲坐令太白豪翻為東野窮余年知幾何佳月豈屢逢寒魚亦不睡竟夕相噉嚼

六年逢此月五年照離別

中秋有月凡六年唯去年與舍弟曾會於此

歌君

別時曲滿坐爲淒咽留都信繁麗此會豈輕擲鎔銀百
頃湖挂鏡千尋闕三更歌吹罷人影亂清樾歸來北堂
下寒光翻露葉喚酒與婦飲念我向兒說豈知衰病後
空盞對梨栗但見古河東麴麥如鋪雪欲和去年曲復
恐心斷絕

舒子在汶上閉門相對清

舒煥試舉人鄭州

鄭子向河朔

鄭僅赴北

京北

孤舟連夜行頓子雖咫尺如在牢局

頓起來徐試舉人

趙子寄書來水調有餘聲

今日得趙果卿書猶記余在東武中秋所作水調歌頭

悠哉四子心共此千里明明月不解老良辰難合并回頭

坐上人聚散如流萍嘗聞此宵月萬里同陰晴

旅人史生為余

言嘗見海賈云中秋有月則是歲珠多而圓賈人常以此候之雖相去萬里他日會合相問陰晴無不同者

天公自著意此會那可輕明年各相望俯仰今古情

八月十七日天竺山送桂花分贈元素

月缺霜濃細藥乾此花元屬桂堂仙鷺峰子落驚前夜

蟾窟枝空記昔年破裊老僧憐耿介練裙溪女鬪清妍

願公採擷紉幽佩莫遣孤芳老澗邊

中秋次周翰感舊 并序

孔周翰嘗為仙源令中秋夜以事留於東武官舍時
陳君榮古任君建中皆在郡其後十七年中秋周翰
持節過郡而二君已亡感時懷舊留詩於壁又其後
五年中秋軾與客飲於超然臺上聞周翰乞此郡客
有誦其詩者乃次其韵二篇以為他日一笑

壞壁題詩已五年故人風物兩依然定知來歲中秋月
又照先生枕麴眠

又邀明月說明年記取孤高孟浩然此去宦遊如傳舍
揀枝驚鵲幾時眠

中秋并序

予十八年前中秋與子由觀月彭城作此詩以陽關
歌之今復過此夜宿於贛上方遷嶺表獨歌此曲復
書之以識一時之事雖未覺有今夕之悲但懸知為
他日之喜也

暮雲收盡溢清寒銀漢無聲轉玉盤此生此夜不長好

明月明年何處看

八月十五日看潮

定知玉兔十分圓已作霜風九月寒寄語重門休上鎖
夜潮留向月中看

和世弼中秋月下詠懷

黃庭堅

一年中秋最明月也照貧家門戶來清光遶從人意滿
壺觴正為詩社開秋空高明萬物靜此時乃見天地性
廣文官舍非吏曹況得數子發嘉興千古風流有詩在

百憂生忘知酒聖露華侵衣寒耿耿絕勝永夏處深甌
人生此歡良獨難夜如何其看斗柄王生俊氣橫九州
樽前為予商聲謳松烟洒落成珠玉溪藤卷舒爛銀鈎
北門樓櫓地險壯金堤濁河天上流離宮殿閣礙飛鳥
霸業池臺連禿鷲當日西園湛清夜冠蓋追隨皆貴游
使臣詞句高突兀慷慨悲壯如曹劉我於人間觸事懶
身世江湖一白鷗空餘詩酒興不淺尚能呻吟卧糟丘
偶然青衫五斗米奪至黃柑千戶侯永懷丹楓樹微脫

洞庭瀟湘晚風休晴波上下挂明鏡棹歌放船空際浮
不須乞靈向沈謝清興自與耳目謀江山於人端有助
君不見至今宋玉傳悲秋期君異時明月夜把酒岳陽
黃鶴樓

和舍弟中秋月

高秋搖落四十五清都早霜凋桂叢纖塵不隔四維淨
寒光獨照萬象中少年氣與節物競詩家酒聖難爭鋒
值伊老驥四千里尚能三弄當秋風廣文陋儒嬾於事

浩歌不眠倚梧桐百憂生火作內熱何時心與此月同
後生晚出不勉學從漢至今無揚雄天馬權竒大宛種
吾家阿態風骨聳言詩已出靈運前後身未聞孟軻勇
明窓文字不取讀蜘蛛絲網塵堆壅少壯幾時夏已秋
待而成人吾未拱憐汝起予秋月篇我衰安得筆如椽
但使樽中常有酒不辭坐客更無羶把書問字為汝說
便當侯家歌舞筵

八月十四日夜刀坑口對月奉寄子難子聞適

用

聞郡中數月未
嘗有燕游因寄

去年對月廬陵郡醉留歌舞踏金沙今年今夕千峰下
新磨古鑒動菱花寒藤老木被光景深山大澤皆龍蛇
西風為我奏萬籟落葉起舞驚棲鴉遙憐城中二三友
風流慣醉玉釵斜今夕傳杯定何處應無二十四琵琶
中秋日池亭宴集呈席上諸公

歐陽修

樽前途佳節簪纓奉宴居林光拂衣冷雲影入池虛酒

色風前綠蓮香水上疎飛談交玉塵聽曲躍文魚粉穠春
苞解紅榴夏實初睢園多美物罷賦謝相如

伏承寵示八月十五日齋居對月嘉篇謹依韵
和

皓月三川靜晴氛萬里銷靈光望日滿寒色入波搖浩
氣成山霧浮雲蔽隴苗廟荒陰燐出苑廢露雲飄齋宿
心方寂秋成夜已遙清談對元亮瓊彩映蕭蕭

八月十五日宿南園懷君貺 司馬光

昔公在洛師未嘗棄嘉節今宵秋半分空羨西園月天
色湛澄清風聲冷騷屑笑言不可親引領望金闕賴有
篋中詩端居數披閱

謝君貺中秋見招不及赴

不侍庾公宴月華虛四秋幸逢東閣開又阻西園遊清
輝散廣坐孤影隨行舟蓑衣如未歸忠願終可酬

八月十五日夜陪留守宣徽登西樓值雨待月
久不見

經歲待佳節無如陰霽何果然時雨足安用月華多未
克銀缸進空聞玉漏過庾公興不淺久為駐鳴珂

和楊卿中秋月

秋氣平分夜沉陰乍散天窺林初淡薄照席忽孤圓吟
入詩毫健光浮醉弁偏嘉賓勿輕去桂影正娟娟

八月十五日夜寄友人

故人音信絕對月動相思清露滴紅葉此懷當告誰秋
風廣陵郭正是望濤時

中秋陪張龍圖讌射堂初夕陰雲酒行頓解喜
而成詠

飛蓋共徘徊西園高宴開秋雲惜明月留待庾公來

陪友人中秋夕賞月

王安石

海霧看如洗秋陽望却昏光明疑不夜清瑩欲無坤掃
掠風前坐留連露下樽苦吟應到曉況有我思存

中秋夕寄平甫兄弟

浮雲欲盡數秋毫燭燭金波滿酒醪千里得君詩挑戰

夜壇誰敢將風騷

八月十五夜有懷

梅堯臣

天為水蒼玉月掬潭面冰萬里絕瑕玷百丈已澄凝
山河了然在星斗光莫增借問九州內豈無陰雲興緬懷
去年秋是夜客廣陵太守歐陽公預邀三四朋乃值連
連雨共飲陳華燈既醉公有詠屬和予未能強賦石屏
物固慙無所稱今來宛溪上聊以故歲徵晶明正若此
霖霖且何曾美景信難并康寧語足憑

中秋月下懷永叔

有朋無明月秉燭光強致有月無樂朋獨酌顏易醉往
年過廣陵公欣來我值期玩秋蟾圓靜掃庭下地復邀
高陽公賸作詩准備特特乃多違後池風雨至一夜看
石屏怛吟無逸氣今宵皓如畫千里嗟離異固知理難
并把酒遙相寄

當時出石
屏同詠

八月十五日夜東軒

隔竹已見月清光度溪來移影上素壁與我相徘徊是

夜正中秋天地霧露開人疑玉兔出藥杵不生埃姮娥倚
冰輪艷色若自媒它夕豈不好物意為之推

依韻和歐陽永叔中秋邀許發運

看取主人無俗調風前喜御采衣涼競邀三五最團魄
知比尋常特地光艷曲旋教應可聽秋花雖種未能香
曾非惡少休防准衆寡而今不易當

和永叔中秋夜會不見月酬王舍人

主人待月敞南樓淮雨西來斗變秋自有婣娟待賓客

不須迢遞望刀頭池魚暗聽歌聲躍蓮蒂明傳酒令優
更愛西園舊詞客共將詩興壓曹劉

中秋新霽潦水初滿自城東隅泛舟迴謝公命

賦

時余將赴襄城去

齋舫談經後官池載酒行斜陽鳥外落新月樹端生演
漾思江浦夷猶繞郡城東轅有遺恨日日物華清

中秋與希深別後月下寄

薄霧生寒水寥寥艤畫船人傷千里別桂吐十分圓把

酒非前夕追歡憶去年南樓足佳興好在謝臨川

依韻和通判八月十五日夜翫月二章

五首

尋常圓魄豈不好競愛今宵分外明明極只知無隔礙
誰言桂樹向中生

一年一見最堪惜百歲百夕能幾多縱有明年似今夕
明年同會復如何

中秋不見月

天嫌物蕪美而使密雲藏已向石屏見何須照席光

中秋前十日作詩戲呈希古年兄

張耒

放逐江湖一釣舟
蕭條故國又逢秋
炎涼有信來如舊
歲月相催逝不留
日落千蛩喧戶牖
風高一雁下汀州
池無積潦蟾華好
誰買新醪作夜遊

近中秋

姮娥藥熟桂華新
滿貯清光待出雲
徐御冰輪行碧落
世間多少感秋人

十五夜月

陳師道

向老逢清節歸懷託素暉
飛螢流夕照重露已濡衣
稍孤光動沈沈衆籟微
不應明白髮似欲勸人歸

中秋夜東剎贈仁公

盈盈秋月不徐分
葉露懸光可數塵
此地正須煩一笑
要令排戶問東鄰

依韻和伯鎮中秋見月九日遇雨之作

蘇舜欽

衆皆愛春發枯荄我知惟動兒女懷天地昏酣醉夢裡
人有與思皆沈埋豈如秋風勁利劇刀劍刮破天膜清
光開衰根危蒂掃除盡辨別松竹并蒿萊青娥供霜洗
夜月兼以皓露驅塵埃常年此夕或陰晦今歲澄澈特
快哉是時呼賓賞此景漸見照我白玉盃清輝向人若
有意經歷窓戶猶徘徊放歌狂飲不知曉爛漫酌客山
嶽頽時節飄流晦朔轉已覺九日來相催北窓隙地破
蒼蘚帶花移得黃金栽倒冠露頂坐狂客擷香咀藥浮

新醅最憐小雨灑疎竹
蕤籟颼颼吹醉顙
君時傳詩頗精麗
意若泥淖不得來
開緘文采自飛動
欲和但媿頑無才
久之龜勉強為答
嫌春愛秋真可咍

中秋夜吳江亭上對月懷前宰張子野及寄君謨蔡丈

獨坐對月心悠悠
故人不見使我愁
古今共傳惜今夕
況在松江亭上頭
可憐節物會人意
十日陰雨此夜收
不唯人間重此月
天亦有意於中秋
長空無瑕露表裏

拂拂漸上寒光流江平萬頃正碧色上下清澈雙璧浮
自視直欲見筋脈無所逃遁魚龍憂不疑身世在地上
祇恐槎去觸斗牛景清境勝返不足嘆息此際無交遊
心魂冷烈曉不寢勉為筆此傳中州

中秋松江新橋對月和柳令之什

月晃長江上下同畫橋橫截冷光中雲頭艷艷開金餅
水面沈沈卧綵虹佛氏解為銀色界仙家多住玉華宮
地雄景勝言不盡但欲追隨乘曉風

中秋月二首

葛次仲集

玉露中秋夜

徐放

亭亭月正圓

錢起

一宵當皎潔

朱慶餘

萬象共澄鮮

劉禹錫

送別高臺上

皇甫冉

添愁野帳前

崔嵬

無因駐清景

武元衡

歌午又明年

司空圖

涼夜清秋半

權德輿

嫦娥照玉輪

李商隱

九霄微有露

姚合

萬里正無塵

貫休

氣射繁星滅

李群玉

明翻宿鳥頻

杜甫

寥寥天地內

曹松

風景一時新

白居易

次韻八月十七玩月

李新

中秋偶誤團圓月坐恨陰霾障天闕作詩問月月無言

欸放清輝似相合

十五夜無月
嘗作問月篇

輪間桂影豈梅林一見

胡為便忘渴婵娟姿態自姝好安事鉛華鏡奩匣引起

登臨無限人庾公樓下紛車轍沉沉夜色凝寒水蕩散

纖雲無一髮因思漢帝感秋風欲喚郢人歌白雪俊賞

佳期莫輕負人生出處多回汭舉杯邀月醉則已萬斛

牢愁憑血刷起看蟾華轉玉盤摩空隱隱何輕滑影落

澄江一萬尋魚龍無處逃清澈誰言暗魄損光暈就欠

毫分亦奇絕況我年來百慮消世味久諳如嚼蠟是非
巧叻禁不動名利癡心會求歇人言滿面凜風霜自覺
寸心堅石鐵頗知大道有真趣不用炎炎熾言說安能
効彼兒女情告對姮娥論圓缺由來衰盛各有理萬變
不妨隨曲折吾生斷定已如此肯使傍人譏作輟龍臺
夫子筆如椽親自杜闕

八月望夜不見月有感

二首

素波涼暈淡層城悵悵三年此夜清

在淮南二年逢中秋俱不見月色

獨捲疎帷成默坐暗蟲相命作秋聲

九旻舍爽助清輝萬里重陰誤賞期正恨浮雲無意緒
世間偏惱最明時

八月十四夜月

范仲淹

光華豈不盛賞宴尚遲遲天意將圓夜人心待滿時已
知千里共猶覺一分虧來夕如澄霽清風不負期

依韻酬葉道卿中秋對月

二首

天遣今宵無寸雲故開秋碧挂冰輪詩人不悔衣霜露

為惜清光豈易親

孤光千里與君逢最愛無雲四望通處處樓臺競歌宴
的能愛月幾人同

中秋口號

秦觀

雲山簷楹接低空公宴初開氣鬱蔥照海旌幢秋色裡
激天鼓吹月明中香槽旋滴珠千顆歌扇驚圓玉一叢
二十四橋人望處群仙正在廣寒宮

丙寅中秋詠月

晏殊

玉簫秋初半冰輪歲有期苦吟舍翰久清宴下樓遲雁
怯波光動蛩愁葉影危烘簾頻捲押溫酎旋凝澌皎外
蟾生滴寒中桂有枝星文藏熠燿露彩見華滋苑靜疎
螢濕巢空驚鶴移漸穿鳴瑟幌偏鑒讀書帷濛谷徒催
曉織阿莫放窺陳王叔妙舞疑待仲宣辭

次韻和王校勘中秋月

廣寒仙署愜心期秋半梧臺木葉稀有客正吟星北共
何人重賦鵲南飛光含綺席傳三雅影逗蘭房撒九微

趨府逸才過鮑掾不辭終夕賞清暉

中秋月

與通判徐仲謀譙縣李宗
易將作監主簿張彭同賦

三十六旬內此時心賞并中分
九秋夜占斷百宵明
冷照蘭閨澈光含綺席清
誰知滄海曲珠蚌最盈盈

中秋月

一輪霜影轉庭梧
此夕羈人獨向隅
未必素娥無悵恨
玉蟾清冷桂華孤

同前

天時與人意齟齬舊無疑坐久翻遺恨光來已後期行
雲凝黛色見跋費金枝況復輸來夜笙歌繼夕曦

次韻師白中秋會飲且餞余北行

韓駒

樓高應在日輪邊目盡西山萬里天擬見謫仙歸貝闕
翻愁快馬踏瓊田詞鋒易破孤虛陣酒令難期賞罰權
放盞成空君勿歎明年千里共婵娟

歲時雜詠卷三十一

欽定四庫全書

歲時雜詠卷三十二

宋 蒲積中 編

中秋下

今詩

中秋月

二首

王禹偁

何處見清輝登樓正午時
莫辭終夕看動是隔年期
冷濕流螢草光凝宿鶴枝
不禁雞唱曉輕別下天涯

明可鑑秋毫供吟屬我曹
隔年方得見終夕敢辭勞
冷向天心白清臨露掌高
霜臺相照處寒色滿藍袍

中秋待月夜分乃見

范百祿

十二周流數經行自不遲長圓非物理暫晦亦天時人
欲終宵玩雲纔逐簇移祇應逢此景無足累心期

中秋月夜

林光朝

玉露金風滿桂枝清光因此更華滋一年月色最明夜
千里人心共賞時萬古傳為新景象幾人能出舊歌詩
吟觀莫厭終遙夜來歲如今再一期

中秋不見月

戴復古

誰上青冥掃晦霾桂華遼望獨徘徊停杯試問杳無所
對景欲歌終不來肅氣下浮三五夜騷人枉費幾多才
明年會有清輝在猶此遲疑徧繞苔

中秋月

六幕淨如水空騰海上波輝增金氣至圓宵玉規多極
滿祇如此將傾誰奈何向明若霜皎今古暗消磨

中秋待月通夕陰晦偶書

吳淑

待月西樓上平秋氣象分輝光唯此夜遮掩奈浮雲紅

燭燈交爛清香篆自薰明年好景在何處更多聞

中秋待月同賦

何宗正

金波未見吐雲端已覺蕭森夜氣寒桂子人間空杳杳
冰輪天外想團團宮袍詞客方裁詠錦瑟佳人且侑歡
不減風流庾公興登樓誰復畏盤跚

中秋月

楊繪

素月玉寒空乾坤灝氣通光華一夕滿節候九秋中萬
里天衢峻四方人望同妖邪無匿處方顯照臨功

中秋感懷

二首

去年今夜此堂前人正清歌月正圓
今夜愁來人且散
不如雲霧蔽青天

雪彩冰光似去年去年人月兩嬋娟
今宵不辨連明坐
拚醉抽身黑處眠

中秋夜醉

醉過中秋夜慵招七步才月華翻有意
自入小窓來

中秋月

陶崇儀

四時三五月皆圓誰道孤光此夜偏涼樹暖光清雪上
素娥姿質不嬋娟

中秋

錢易

天慘嚴霜厚神清宿雨微枝空蟬擬脫巢冷燕謀歸白
日蓮塘夢紅紗水國衣錦書知未了軋軋弄鳴機

中秋夜守讓南廳玩月

秋氣元清切明蟾千里心金盤上河側玉水浸樓陰閨
怨有消歇客愁無淺深關山今夜裏星斗共沈沈

中秋館宿

劉筠

餘歡驚社過

是月命社

獨直奈宵長月向蓬山滿風來桂殿

涼睡輕同警鶴吟苦伴啼蜚耿耿迷遙思殘星下建章

中秋夜不見月

孫復

長記去年中秋玩月出草堂永輪直可鑑毫芒是時家
釀又新熟呼童開席羅清觴纖埃不起零露下對此陶
陶樂未央自顧時逢堯舜世上下清明無穢荒吁嗟今
夕何不幸正逢屏翳恣猖狂浮雲左右爭擁蔽愛而不

見涕沾裳嫦娥無語縮頭何處坐胡不開口走訴上帝
旁立召飛廉舉其職驅除擁蔽揚清光瑩然高照遙天
外免教萬國如瞽空張張

中秋歌

明月一歲中影圓十二回如何今夕裏爭賞羅樽罍既
愛盈盈色更上高高臺人心莫如此試為君言哉月者
水之精秋者金之氣金水性相生五行分其事則知天
地間相感各以類水得金還盛月因秋更清氣類使之

然人誰不有情可憐別夜色一一皆銷聲自昔詩家流
吟皆不到此徒能狀光彩豈解原終始冥搜詎有得燥
吻真何以請看退翁歌其的能中矣

中秋月

度度思真賞幽期邈始還金行分此夜桂子落何山座
席清風裏人家灝氣間飲懷與吟興徹曙兩非閒

同范秘閣賦八月十四日夜月

銀漢無聲露暗垂玉蟾初上月圓時清樽素瑟宜先賞

明夜陰晴未可知

又賦十五夜月

清賞年年恐失期
人人不覺望中衰
素娥須信多靈藥
長見嬋娟似舊時

中秋月

十二度圓皆好看
就中圓極在中秋
前峰獨上還吟翫
高興多於庾亮樓

中秋月夜席上作

李建中

宴張東閣賓方盛雨過西樓晚覺寒涼夜清輝雲乍斂
中秋嘉氣月初圓誰人解飲十鍾酒開口能談數刻歡
但外形骸求醉倒任他紅粉笑蹣跚

同前

張左藏

夜長蟋蟀青燈苦歲晚蒹葭白露寒陶令齋中新酒熟
庾公樓上舊蟾圓不知客在誰同樂無奈漳濱獨湛歡
此夕任他紅粉道深藏辟笑足盤跚

中秋月

八首

許棠

月月勢自圓中秋朗最偏萬方同一夕到曉是經年影
蔽星芒耀光分物狀全唯因吟苦者目斷向瑤天

同前

潘綽

古今逢此夜共異沈寥明豈是月華別祇應秋氣清影
當中土正輪對八荒平尋客徒留望璿璣自有程

同前

釋可明

登樓仍喜此宵晴圓魄纔觀思便清海面乍浮猶隱映
天心高挂最分明片雲想有神仙出迥野應無鬼魅行

曾向洞庭湖上看君山半露水初平

同前

李堯天

棲禽疑盡向空飛林麓虛明月照扉萬國仰瞻當此夕
片雲爭合閉清輝羣妖始覺神通小列宿應慙照耀微
達曙何人最闕念庾公樓上獨忘機

同前

許晝

應是蟾宮別有情每逢秋半倍澄清清光不向此中見
白髮爭教何處生閒地占將真可惜幽窓分得始為明

殷勤好長年來桂莫遣平人道不平

同前

釋齊己

空碧無雲露濕衣衆星光外湧清規東樓莫礙漸高勢
四海待看當午時還許分明吟皓魄肯教幽暗取丹枝
可憐半夜嬋娟影正對五侯殘酒池

同前

高河瑟瑟轉金盤歛露吹光送凭欄四海魚龍精魄壯
五山驚鶴骨毛寒今宵盡向圓時望後夜誰當缺處看

何事清光與蟾兔却教天下少留難

同前

涼宵烟靄外三五玉蟾秋列野星辰正當空鬼魅愁泉
澄寒魄瑩露滴冷光幽未折青青桂吟看不忍休

中秋遇雨感懷呈世澤彥直 唐 庚

初遊東都年二十清歡趁得中秋及高陽會中酒徒集
惠和坊裏綉鞍入蟹螯嘗新左手執雞頭未光搓玉粒
盃行到手不待揖明月清風供一吸纏頭不惜傾箱給

倚賴決科如俯拾誰知得官反拘繫此景此歡那復緝
今歲中秋雨如泣窮山牢落秋光濕孤燈熒熒照書笈
屈指流年如箭急

八月十五夜月

應緣人望望故爾出遲遲幾歲一相見浮雲幸別時吟
餘雞膈膊玩覺兔迷離此夕登樓興非關有所思

次韻張子文中秋夜月

韓駒

平湖下明月湛如奩濕銀遙憐鍾陵客臥看繁臺雲我

欲故山去向來車已巾淹留屬中秋顧影愁單身停盃
問青天誰駕此玉輪分光到蓬屋慙慙月夫人張郎嗜
讀書咕嗶聞比隣胡為歎今夕長歌擊匏尊似君豈終
窮努力逢休辰他年此唱和寄我東南濱

八月十四日夜作

三更欲眠燈挂壁被冷何曾雙脚直西風一雁枕中鳴
令我下牀三歎息君莫悲秋且自悲朱顏白髮來相隨
天公造作悲懽事要令百歲如狂癡達人大觀無不可

卷三十二
豈合坐受天公欺我慙無處看明月一掌荒庭秋草沒
去年憶上黃公臺笑看萬里清光發

八月十五日夜小雨同二弟作

去年看月思君處醉後狂歌和影舞今年與君待月時
金樽未盡雨催詩樂事良辰難並有一生費詩仍費酒
君不見綠幕朱簾蠟炬香何須拂地覓孤光

次韻至完中秋日泛湖

五首

崔正言

西湖八月稻花繁孤鳥冥冥下水天臥聽金盤鳴玉子

不知風雨到漁船

世美中
獨下碁

西北樓高清溪邊一篙秋水淨如天
鴛鴦見客移深渚

蛺蝶尋香入畫船

半空虛閣閒看鳥百頃平湖下瞰天
今夜使君歌舞歇

箇中不禁野人船

是日持國私
忌不宴湖中

孤花照晚紅欹水萬竹舒空翠拂天
欲問西湖分月色

莫教風浪打篷船

彩鷁逶迤過竹西
文魴尾尾透清漪
一年一夜中秋好

應月停盃問月時

清暑堂中秋夜月

蔡襄

江國初涼夕漏均
青天無翳地無塵
蓮花剪綵燈煌合
蕉葉傾金酒味新
時節暗遷應不用
懽娛難得莫辭頻
明年今夜中庭月
依舊寒光照別人

中秋獨坐望月

萬里淒凝魄幽深
在處通清流河漢
盡寒入水雲空踰
久方全白彌高適
正中開書還自捲
把酒復誰同泣葉

傳霄露吹衣變暑風更看庭樹影漸過粉牆東

中秋寄姪世材

林葉響金風半黃復半紅微涼蕩殘暑塵氛淨高空
脩然天氣清况復當其中金盤上雲際缺缺飛林東
蟾彩照清罇玉露凝蘭叢念汝縈半祿三事嗟何窮
大河隔驚波海水無來鴻此夕各千里惟將風月同

八月十五夜清溪舟次

清溪水底月團團因見中秋憶去年早海五更霜透甲

金八八八八八
卷三十二
柳江萬里桂隨船昔看故國光常滿今望天涯勢似偏
祇恐玉娥能笑我還將隻影對嬋娟

和中秋對月

楊齊

素籥中分漏箭遲玉盤飛上絳河涯自緣人意誇今夜
豈是蟾光勝舊時千里放開天地景一輪題盡古今詩
吳剛樹下遙相許來歲秋風此處期

中秋不見月

八月露沈天氣秋霜輪何事苦淹留一宵老兔不成魄

幾處詩人却下樓
水部堦前聞細雨
袁宏渚上見歸舟
明年未必無仙桂
何用厭厭此夜愁

西歸中秋夜宿三泉寄仙芝公南

白子儀

日涉征途信馬前
鴻飛時節幾懷賢
青山漸向故園近
皓月更臨歸驛圓
四乘光榮慙太子
一簞窮陋本顏淵
江皋上客紅蓮幕
猶荷明恩未棄捐

景孫八月十四日惠酒

金甌蘭英見貺時桂輪猶惜一分虧未知望夜誰同賞
先喜醉鄉今有期飛蓋正懷曹子建登樓何待庾元規
薄帷長簾忘秋興且洗清塵舉綠卮

寅卯二年中秋夜皆不見月

趙崇蟠

萬里不自照清光隨雨休可堪幽魄死還似去年秋有
笛悲遙夜無人在遠樓共誰高枕臥相與夢滄州

玄雲蔽月行

李新

惆悵中秋不見月太陰垂雲兔藏窟我欲上天掃玄雲
桂露團團漬冰闕中天放出千里光層樓翠閣遙相望
一盃一盃重相勸今年償汝中秋願上天高高末由到
玄雲愈濃不可掃空庭蠟炬落寒光宮裘起舞秋風老
中秋夜宿穆陵關

羈旅情懷不自禁清霜岐路馬駸駸一年明月最圓夜
千里故人長別心幸有酒沽除是醉更無人賞又如陰
寒蛩似識風騷意伴我淒淒到晚吟

八月十五日過逢谿書淨戒寺

瓦冷雲埋殿燈長墨暗紗藥靈間草木壁走古龍蛇石
佛隨山老松梯轉路賒門前谿水淺無處問仙槎

中秋月

沈邁

陽饒陰乏亦常情平日蟾光每忌盈節到陰中今夜等
月乘時正一宵明數成地表羣形足

二四六八十陰數也故屬地而成物

物阜人間市價平朱戶只知觀賞樂不知休戚係蒼生

中秋無月

月在青霄久矣夫十年今夕九年無也知天把良宵晦
貴使人知此景殊畫燭有光終是俗浮雲無限不勝誅
只饒疎散田文客掌上唯私照乘珠

中秋書事

紅葉秋容動殘蟬暑氣歸朝箱收故扇慰斗帖寒衣籬
竇擅稍補蔬畦角屑肥斗筭貪活計詩史老光輝

中秋望月

余安行

冰輪今夕是圓時雲掩清輝照我遲賴有金風一披拂

須臾蟾影浸瓊卮

中秋三夕對月

三夕月俱好清光唯望多風應落桂子露恐減金波念
昔歡娛極如今羈旅何窮居不相棄夜夜伴吟哦

和解生中秋月

不為人間意居然節物清銀塘通夜白金餅隔林明醉
客樽前倒棲烏露下驚悲歡今古事寂寂墮荒城

中秋夜寄克道運使

張無盡

不見柯山客中秋月又圓夜分清滴露天末淡收烟念
遠情非俗凌虛骨欲仙素琴明此恨相與對嬋娟

中秋望夕不見月

宋 祁

異時涼月好常爾惜嚴更此夜浮雲惡胡然溷太清狂
歌王粲牘業對景山鎗海蚌猶能滿城烏更不驚裴回
循北牖暗澹倚西楹蛩杼逢時急缸花得暗明桂高應
自秀蟾遠太無情坐想瑤輪轉孤懷悵未平

中山中秋對月

圓期壓秋半飛影破雲端明極翻無夜清餘遂作寒桂
繁團露濕輪駛度河乾且置窮邊思何殊故國看

中秋夜不見月

天上浮雲不肯歸憑軒坐惜桂華西一年此夕無窮恨
只是城鴟得穩棲

萬里重陰晦玉輪兔孤蟾遠託霄垠世間未必皆同恨
亦有居心不靜人

中秋前二日


一歲中秋只一迴年前曾記共銜盃蟾光是夕知人意
雲脚多情為我開隔濶幾番經晦朔笑談三月阻樽罍
佳期屈指無多日清賞應須許再陪

中秋不見月

浮雲四合暮秋天萬里丹霄頓靄然渡口袁宏舟未纜
樓頭庾亮眼將穿桂華已負經年約鑑影虛沉半夜圓
自是嫦娥懶粧束捲簾空只待嬋娟

中秋月

啖雪噴香滿玉虛王孫公子翫相呼從來天匠為輪定
自是人心此夜殊靜入萬家危露滴清埋衆象叫鴻孤
坐來唯覺情無極何況三湖與五湖



歲時雜詠卷三十二